



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

§. Ille verò.

---

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

## CAPITVLVM XV.

## Cùm decorem.

**F**ilijs Canonicorum illegitimè natis conferri non debent beneficia in ijs Ecclesiis, in quibus Patres eorum canonicatum obtinent.

## CAPITVLUM XVI.

## Ad abolendam.

**F**ilij Canonicorum illegitimi, præsertim si spurij sint (sive nati ex mulieribus, cum quibus tempore conceptionis, aut natu uitatis matrimonium consistere non potuisse) in eisdem secularibus ecclesiis, in quibus eorum patres instituti sunt, Canonici fieri non possunt. Et si quis talēm instituere præsumperit, à beneficiis suis suspendatur. Ita hoc c. intelligit Gl. ver. illegitimi, & Innoc. hīc.

Nota hīc argumentum à sensu contrario: Cūm enim Pontifex specificè ac limitatè prohibeat filios illegitimos canonicos institui in ecclesiis secularibus, in quibus patres eorum canonicatum affectuti sunt; censetur permittere, vt filii illegitimi recipiantur in ecclesiis Canonicorum regularium, in quibus patres eorum professi sunt. Ita Gl. hic ver. ecclesiis. Sed quid de hac re iure nouo statutum sit, dixi suprā c. 2.

## CAPITVLUM XVII.

## Dilectus.

**S**i filius legitimus patri suo in eadem eccllesia abfque Sedis Apostolicæ dispensatione, immediatè succedit, inde, prout sacri canones statuunt, amouendus est: Tametsi asseratur, quòd Legatus Apostolicus cum eo dispensarit.

NOTANDVM Vn. Legatus Sedis Apostolicæ non potest in vniuersalibus canonibus dispensare, nisi id ei aut præscripta consuetudine, aut speciali priuilegio competat.

## CAPITVLUM VLT.

## Nimis.

**F**iliij sacerdotum, & alij illegitimè natī Clerici ad dignitates, personatus, & curata beneficia absque Sedis Apostolicæ dispensatione promoueri non possunt; finalem ita promoti sint, remoueri debent.

Hinc verò per sensum contrarium colligunt DD. Quod Episcopus cum illegitimis dispensare possit ad beneficia simplicia, ut expressius habetur in c. 1. eod. in 6.

Sed queres: Si beneficium simplex v. g. ecclesiæ Collegiatæ Canonicatus curam animarū per accidens annexā habet, propter uniuersitatem Ecclesiæ parochialis, vtrum ad illud beneficium consequēdū Episcopus cum illegitimo ex causa iusta dispensare possit? Resp. affirmatiuè cum Lappo in cit. c. 1. n. 3. Ancharano ibid. q. 1. contra Gl. ver. tales. Quia beneficium vnitum per se non confertur, sed accessoriè cum principali, cuius naturam & conditiones sequitur, vt dixi lib. 4. tr. 2. c. 9.

## CAPITVLUM I. eod. Tit. in 6.

## Is qui.

## PARAPHRASIS.

Illegitimè nati per Episcopi dispensationem (si alio impedimento canonico non laborent) ad ordines minores, & beneficium, cui cura animarum non incumbit, promoueri possunt: dummodò tale beneficium sit, vt limites dispensationis Episcopalis non excedat. Sed ad maiores ordines, & beneficia curata absque Apostolicæ Sedis dispensatione promouerine queunt.

## S. Ille verò.

**Q**ui à Sede-Apostolica dispensationem accepit, vt non obstante defectu natuum, beneficium, etiam curatum, consequi possit;

possit; is prætextu hulus dispensationis, quippe quæ tanquam à iure communi exorbitans strictram interpretationem mereatur) vnicum tantum beneficium obtinere potest.

## SUMMARIUM.

1. Aliud est legitimatio; aliud vero dispensatio cum illegitimo ad certum actum seu effectum, v.g. ad ordines, beneficia.
2. Discrimen I. Legitimatio est absolute dicta natalium restitutio; ita ut per se legitimatus gaudet omnibus legitimorum iuribus. Dispensatio non abolet defectum natalium, sedtribuit, vt eo non obstante illegitimus ad unum vel plures actus legitimos admitti possit.
3. Discrimen II. Dispensatio strictam interpretationem; latam autem habet legitimatio.
4. Discrimen III. Legitimatio proprium Principis priuilegium est; Dispensatio autem etiam quandoque ordinario iure Inferioribus competit.
5. Beneficia simplicia, quæ limites dispensationis Episcopalis excedunt, sunt, quæ vel secundum ius commune, vel secundum consuetudinem Curia Rom. vel ecclesie particularis iuratum, aut à Sede Apostolica confirmatum statutum illegitimis prouenire non possunt.
6. Dispensatio papalis super natalium defectu explicari debet, ut non plus conferat, quam verba strictè accepta significant.

Nprimis sciendum est, quod aliud sit legitimatio, aliud vero dispensatio cum legitimo ad certum actum, seu effectum, v.g. ad ordines, ad beneficia. Inter haec enim varia discrimina sunt: Primum & præcipuum, quod legitimatio sit absolute dicta natalium restitutio, ita ut legitimatus omnibus legitimorum iuribus gaudere possit, iuxta l. quæris, si de natalibus restituendis. Præterquam si aliqua vel in ipso rescripto, vel communi iure, aut consuetudine regni specialiter exce-

pta sint. Quomodo legitimatus in ciuilibus succedere non potest in paterna nobilitate, feudo, &c. Et legitimatus in Ecclesiasticis promoueri non potest sine noua Pontificia dispensatione ad dignitatem Episcopalem vel Cardinalitiam, vt dixi lib. 5. tr. 10. p. 3. c. 5. n. 17. & 18. At vero dispensatio absolute non abolet defectum natalium, sed tribuit, vt eo non obstante, illegitimus ad unum vel plures actus legitimos admitti possit. Ex quo nascitur alterum discrimen: Quod dispensatio in defectu natalium, cum iuri communi (quod fauorabile est) deroget, strictam interpretationem habere debeat, vt dicitur in hoc c. 5. sanè, & consentit c. non potest, 21. de præb. in 6. iun. Gl. magna. At vero legitimatio, cum sit gratia & beneficium Principis, amplam potius interpretationem mereatur, quod notarunt Lappus & Anchranus super hoc c. Cotuar. in epit. 4. decretal. p. 2. c. 8. §. 8. n. 5. Molina to. 1. de iust. tr. 2. disp. 173. n. 3. Tertium discrimen. Legitimatio, seu natalium restitutio proprium Principis priuilegium est. At vero dispensatio in ordine ad certum actum, vel effectum etiam inferioribus quandoque communi & ordinario iure competit, v.g. Episcopis, vt cum illegitimis subditis, vel saltē diocesanis suis despiciare possit ad ordines minores, & beneficia simplicia.

Nunc quæritur: Quænam beneficia simplicia sunt, quæ limites dispensationis Episcopalis excedunt. Resp. Ea sunt, quæ vel secundum ius commune, vel secundum consuetudinem Curiae Romanae, vel secundum Ecclesie particularis iuratum, aut à Sede Apostolica confirmatum statutum illegitimis prouenire non possunt. Exemplum primi: Illegitimus per Episcopi dispensationem consequi non potest beneficium simplex in ecclesia, vbi pater eius beneficiatus est, aut fuit. Exemplum secundi. Illegitimus per Episcopi dispensationem non potest consequi Ecclesie cathedralis Canonicatum, vt docet Rebiffus in praxi tit. de dispensat. super defectu natalium, n. 10. Quandoquidem etiam Papa in dispensatione cum illegitimo ad beneficia quæcunque excipere solet dignitates

Zzz 3 & Ca-

& Canonicatus in ecclesia Cathedrali, & primam seu principalem in Collegiata, sicuti testatur Garcias de benef. p. 7. c. 2. n. 71. Vtrum autem, spectato iure comuni & abstrahendo a consuetudine Curiae, Episcopus cum illegitimo ad canonicatum Ecclesie Cathedralis dispensare possit, disputant hic DD. & multi affirmant, inter quos Archidiaconus & Dominicus contra Ioan. Monachum hic, n. 7. & Gl. hic ver. beneficium. Videri potest Less. lib. 2. de iust. c. 34. n. 86.

Exemplum tertij. Si Canonici Ecclesie Collegiate statutum fecerint, vt nemo in Capitulum recipiatur, nisi legitimè natus sit, non potest in eo Episcopus, vel similis Prælatus dispensare, si iuravit se quoque illud seruaturum; vel si Apostolica auctoritate confirmatum est. Idemque est, si Capitulum statutum habeat à Papa confirmatum, vt in Canonicum nemo recipiatur, nisi in maioribus ordinibus constitutus sit: cum enim Episcopus non possit cum illegitimo dispensare in ordine ad ordines maiores, consequenter non poterit eum habilitare ad eius ecclesiæ canonicatum, nisi prius à Papa dispensationem accepisset, vt ordines sacros suscipere ei liceat. Videri potest Ioan. Monachus n. 4. Lappus n. 5. & Anchoranus. §. Quero, vtrum. Qui tamē probabiliter aiunt, Episcopum in tali casu dispensare posse, si beneficium, vt ordinariè accidit, non requirat sacrum ordinem actu, sed vt intra annum promoueatur: iuxta c. commissa, 35. in 6. de elect. Si enim dispensatus intra annum non promouetur, amoueri poterit, si auxem accepta noua dispensatione à Sum. Pontifice, ordinetur, tum beneficium retinebit.

### s. Sanè, vt suprà.

**N**O T A N D V M Vn. Dispensatio Papalis super natalium defectu, ita explicari debet, vt non plus conferat, quam verba strictè accepta significat. Quia de re legi possunt, quæ congerunt Rebuffus cit. tit. de dispensat. super natalium defectu, n. 41. & seqq. Sairus in thesauro, cit. lib. 6. c. 11. n. 17. Couar. in 4.

decret. p. 2. c. 8. §. 8. n. 5. Videl. Si Papa cum illegitimo dispensauit, vt ordines suscipere possit, intelligendum est de minoribus tantum: Si dispensauit ad ordines, etiam sacros, non censemur etiam dispensasse ad beneficium, Quod tamen mihi non placet: quandoquidem secundum canones ordinato in facris debetur beneficium, c. proposuit hoc ut. Si ergo Papa concessit prius, censi debet etiam concessisse consequens, iuxta ea quæ dicam in c. cùm teneamur, 6. de præb. Præterea qui à Papa dispensatus est ad beneficia, non potest idcirco obtinere pensionem, cùm pensione propriè non sit beneficium: Item qui ad beneficia simpliciter dispensatus est, non ideo potest promoueri ad curata: Et qui ad curata etiam dispensationem obtinuit, non ideo sequi potest dignitates, aut personatus Ecclesiæ: Et qui ad beneficia quacunque, etiam dignitates, non ideo obtinere potest principalem in Ecclesia Collegiate, nec maiorem post Episcopalem in Cathedrali: qui secundum stylum Curiae hæc dignitates pecialiem expressionem requirunt, ideoque generali concessione, seu dispensatione non comprehenduntur, argum reg. 81. in 6. Denique dispensatus ad dignitates quascumque non ideo habilis censemur ad Episcopatum, vel Cardinalatum, ob eandem specialitatem rationem.

Denique vt ex hoc & colligitur, dispensatus à Pontifice ad beneficium simplex, ut curatam, si eo retento, aliquid beneficium consequi velit, non tantum prioris mentionem facere debet, sed etiam natalium defectum exprimere, vt ex communī docet Couar. c. §. 8. n. 5. Molin. cit. disp. 173. num. 35. Sed neque dimisso uno beneficio, super quo dispensatus est illegitimus, aliud obtinere potest absque noua dispensatione. Cuius rationem affert Ioann. Monachus hic, quia prior dispensatio si data sit super certo beneficio, effectum suum consecuta fuit, id est que eius efficacitas cessat. At vero legitimatio semel data semper manet & operatur. Porro si Papa cum illegitimo indeterminate dispensarit, ad beneficium aliquod consequen-